



Inatsisartuni ilaasortaq, Hr. Karl Lyberth,  
c/o Inatsisartut Allaffeqarfiat

### **Tunitsivinnik kiffartuussinissamut isumaqatigiissutinut apeqquteqaam- mut nr. 2010-06-imut akissut**

Inatsisartut suleriaasianni § 36 immikkoortoq 1 naapertorlugu, 2010-mut Royal Greenland A/S-imik Arctic Green Food A/S-imillu kiffartuussinissanut isumaqatigiissutinut tunngasunik apeqquteqaatinik saqqummiussisimavutit, kiisalu Ma-niitsoq Fiskeriindustri A/S-imut apeqqummik ataatsimik.

7. januar 2010  
j.nr. 01.28.10  
Sagsnr. 2010-024317  
Dok. Nr. 287241  
Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@gh.gl  
www.nanoq.gl

Apeqqut uannut akisassanngorlugu innersuutigineqarsimavoq.

#### **Apeqqut:**

1. Royal Greenland A/S-imik Arctic Green Food A/S-imillu kiffartuussinissamik isumaqatigiissutinut tunngatillugu, Kangaamiut Atammiullu ilan-ngunneqarsimannginnerannut suut tunngavilersuutaappat?
2. Maniitsumi MFI kiffartuussinissanut isumaqatigiissutinut ilanngunneqarpa imaluunniit ilanngunneqarnissanut pilersaaruteqarpa?

#### **Akissut:**

Ad 1. 2010-mut Royal Greenland A/S-imik Arctic Green Food A/S-imillu (AGF) kiffartuussinissanut isumaqatigiissuteqarpoq. Kiffartuussinissanut isumaqatigiissutit ukiumut 2010-mut tamarmut atuupput, ataatsimullu katillutik 19.740.044 kr-inik naleqarlutik.

Imatullu agguaassimapput AGF-imut 9,1 mio. kr-it. Royal Greenlandimullu 10,6 mio. kr-iullutik. AGF-imik kiffartuussinissamut isumaqatigiissutip tunitsiveqarfiinut tamanut atuuppoq, Maniitsumi tunisassiorfik pinnagu.

Royal Greenlandimut tunngatillugu Arsummut, Kangaatsiamut, Ikerasaarsummut, Niaqornaarsunnut Qeqertarsuatsiaamullu atuuttumik kiffartuussinissamut isumaqatigiissuteqarpoq.

Royal Greenland-ip tunitsiviinut 2010-mut kiffartuussinissanut isumaqatigiissusiorfiunngitsunut tunngaviusoq tassa tunitsiveqarfiit aningaasaqarniarnikkut ajornartorsionerusut salliutinniarneqarnerinik pissuteqarmat Namminersorlutik Oqartussat tunitsiviit ingerlalluarsinnaanerusut tapiissuteqaratik ingerlanneqarnissaat pitsaanerutippaat. Aningaasaqarnermut nalilersuinermi RG-ip nalunaarsuutai aallaavigalugit 2009-mi Kangaamiut Atammillu ingerlalluarnersaasimapput. Kiffartuussinissanut isumaqatigiissutit taakkua marluusut isumaqatigiissutigini-

arneqarnerinni aallaaviusimasoq tassa kiffartuussinissanut isumaqatigiissutit tamarmik naammassisassanik arlalinnik piumasaaqatitaqarsimmamata.

Aningaasat atorneqarsinnaasut nunaqarfinnut sillimmataasut 15 mio. kr-iusut aningaasallu 2009-miit nuunneqarsimasut 8,2 mio. kr-iusut, ataatsimut katillugit aningaasat 23,2 mio. kr-iupput, taakkulu pissutigalugit aningaasaqarniarnermut tunngatillugu isumaqatigiissuteqarniarneri ingerlanniarneri ajornakusoorsimalutik. Kissaatigisat tamarmik naammassineqarsinnaasimangillat.

Taassumalu saniatigut kissaataasimasoq tassa 2010-mut kiffartuussinissanut isumaqatigiissutit, ukiumut tamarmut atuutissasut suliarineqassanatilli piffissanut sivikitsukkuutaartunut.

Kissaatit annersarisimasaat tassaasimavoq nunaqarfinni tunitsiveqarfiit aningaasaqarniarnermikkut imminnut akilersinnaanermikkut ajornartorsiornerusut salliu-tinnissaat.

Taakkua saniatigut ilanngutissallugu pingaaruteqarpoq, Royal Greenland-ip nalunaarutigimmagu, Kangaamiuni Atammimmilu nipisaat suaasa tunisaanerisa nalaanni ammasassagamik, taassumalu piffissap avataani aalisakkat allat aningaasatigut akilersinnaasut tunisaasinnaasut aningaasaqarniarnikkut immi-nut akilersinnaasumik ingerlasinnaappata.

Ad 2. Aalisarnermut Piniarnermut Nunalerinermullu Naalackersuisoqarfiup Maniitsoq Fiskeindustrimik (MFI) ataatsimeeqateqareerpoq kiffartuussinissamullu isumaqatigiissummik missingersuummik suliaqarluni Naalackersuisut isummerfigisassaannik.

Kiffartuussinissamut isumaqatigiissuteqartoqarsinnaappat Maniitsumi tunitsivissaqarnermut periarfissamik pilersitsinissamut pingaaruteqartutut isigineqarneranut takussutissaassaaq.

Inussiarnersumik inuulluaqqusilluta  
Med venlig hilsen

Ane Hansen  
Aalisarnermut Piniarnermut Nunalerinermullu Naalackersuisoq